

Goibekokale

ELGETA / Barikua / 2002ko maiatzaren 24a / 99. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com


Babes ofizialeko 20 etxebizitza eraikiko dituzte Torrealdean

OXEL EROSTARBE

Momentuz, 82 lagunek eman dute izena Elgetan etxebizitza erosteko interesa zutenendako Udalak zabaldu zuen zerrendan. Datorren astelehenean, Hirigintza batzordean, Torrealdean eraikiko dituzten etxebizitzien gainean jardungo dute Udaleko ordezkariak.

Torrealdea inguruan 76 etxebizitza egiteko asmoa dauka Elgetako Udalak. Hasiera baten, horietatik, 32 babes ofizialeko etxebizitzak izan behar ziren. Lurrak berriro sailkatzean, ordea, babes ofizialekoak 24 izatea onartu zuen Elgetako Udalak. Baina egokitze batzuk direla eta, azkenean, seguruenik, 20 etxebizitza izango dira babes ofizialekoak. Etxebizitzak eraikiko dituzten lurren jabeek promotore batekin dihardute guztia lotzen eta urtea amaitu aurretik eraikitze lanekin hasteko asmoa ei daukate.

Elgetako Udalaren asmoa zen PERIa martxoan onartzea, babes ofizialeko zenbat etxebizitza egingo dituzten eta horien kokalekua zehazteko. Datorren astelehenean, Hirigintza batzordean, PERIa



Seguraski, lehenengo fasean eraikiko diren etxebizitzien artean hamabi izango dira Babes Ofizialekoak

onartzea da Elgetako Udalaren asmoa. Gero, udalbatzak onartu beharko du, proiektua Diputaziora bidali aurretik.

PERIan proposatuko dute

babes ofizialeko 20 etxebizitza eraikitzea. Bi bloketan banatuko dituzte, seguruenik. Hamabi gaur egunean bertan dauden etxebizitzien atzealdean kokatuko dira

eta zortzi, Aiako eraikuntza dagoen lekuaren parean. Seguruenik, etxebizitza horiek bi fasetan eraikiko dituzte. Lehenengo, hamabi eta aurrerago, zortzi.

HERRITARREN HITZA / Alberto Telleria • Badiharduguko kidea

Badihardugu bertako euskeria pixkanaka bultzatzen

Ekainaren 1ian Elgetan egingo dira zenbait ekitaldi Euskalkixaren inguruan, honen egunonen antolaketia aurrera eruateko alkarrekin dabiz biharrian *Badihardugu Euskera Alkartia* eta *Elgetako Goibeko Kultura Elkartia*.

Badihardugu 2000ko azaruan sortu zan, eta Elgetako Udalak, Deba baillarako gainontzekuekin batera, hitzarmena sinatu eban laguntza instituzionala emetoko taldiari. Orduan ba taldiak babes osua daka hasi Mutrikun eta Gatzaga arteko herri danena. Baiña horrek udalok

zeri emon dotse babesa? Hain zuzen be *Badihardugu* sortu zanian taldiak markautako helburrei: herrietako berbetak, gehixen bat ahozkoa, indartzia eta erabillera bultzatzia; gure euskalkixaren osasuna hobetzia askotan dakaguzen komplejuak eta lotsak baztartuta (kanpokua ez da etxekua baiño hobia, baiña eskolan ikasi edo telebistan ikusten danez, beti be



"Herriko berbeten alde egittia ez da euskara batuaren kontra egotia"

prestijio haundixaua eukitzen dau eta etxekua alde batera lagatzen dogu txarragua dalakuan).

Badiharduguk argi dauka herriko berbeten alde egittia ez dala euskara batuaren kontra egittia. Euskara batua gure hizkuntza nazionala da eta euskara batuaren inguruan sortu dira, Euskal Herri osuan ikusi, entzun edo irakurri leikezen hedabidiak, Elgetako

edo Mauleko batek ondo ulertzeko hizkuntza batian. Herriko berbetek eta euskara batuak bakotzak bere esparrua dauka, kontua da: noiz, nun eta zer erabili. Oso garbi daukan beste gauza bat zera da, herrietako berbetak erabilli eta ondo ezagutzia euskara batuarendako osasungarria dala.

Gura neuke elgetarrok hor egunetan parte hartzia. Batez be, gazte jentia antolatuta dakazen taldiak (kiroletakuak, gaztetxia...), gehixen bat, hizkuntza barrikuntzak gazteiangan emon direlako, eta eurok direlako herri berbetiei eutsiko dotsenak.

LABUR

Lehenengo jaunartzeak izango dira domekan

Eguerdiko hamabietan izango den mezan lehenengo jaunartzea hartuko dute herriko hamaika neska-mutikok.

Lehen jaunartzea egingo duten neska-mutikoak hauek izango dira: Ibon Untzetabarrerenetxea, nora Ugarteburu, Garaine Txurruka, Oskar Sarasua, Koldo Olaortua, Iñaki Olaortua, Adrian Gorostiza, Ander Gorosabel, Mikel Beretxinaga, Leire Azkarraga eta Ainara Arantzeta.

Neska-mutikoendako egun berezia izango da.

GOIBEKOKALEko afarirako txartelak herriko tabernetan

Datorren zapatuan, GOIBEKOKALEk 100 ale egingo dituela eta, Goibeko Kultura Elkarteak afaria antolatu du. Afarirako txartelak 12 euro balio dute eta herriko tabernetan guztietan daude salgai.

Afaria gaueko bederatzietan izango da, Espaloian, eta gero, erromeria izango da Tapia eta Leturiarekin. Afarirako txartelak hartzeko azken eguna, maiatzaren 28a.

Arratsaldean, umeendako *Mari sorgin* antzezlanaren izango da Espaloian.

Euskal Herriko Mendi Federazioak batzarra egingo du

Iaz bezala, aurtan ere Euskal Herriko Mendi Federazioak Batzar Orokorra egingo du Elgetan. Batzarra ekainaren 1ean izango da, 09:30ean. Hantxe izango dira Mendi Federazioko presidente Antxon Bandres eta hainbat mendi taldetako ordezkariak. Guztira, 100 ordezkari baino gehiago batuko dira Elgetan egingo duten batzarrean.

Duela bi urte Elgetan egingo dako batzarrean aukeratu zuten Antxon Bandres Mendi Federazioko presidente.

ELKARRIZKETA

XABIER UBERA/ EUSKADIKO PILOTA SELEKZIORAKO HAUTATUA

“Ez doskue lagako Mundialian parte hartzen”

O.E.

Zenbait astean proba batzuk egin ostean, txapelketa batzuetan parte hartzeko dei egin dio Euskadiko Selekzioak Xabier Uberari. Venezuelara, San Frantziskora eta Kubara joango da, seguruenik. Laster jakingo du noiz.

Entrenamendu batzuetan parte hartu eta gero, Euskadiko Selekziñoko partaide izateko hautatu zaittue?

Aurreko hillaletan, zazpi bat konbokatorixatan 25 pelotari inguru ibilli gara probak egiten. Eta horreitatik, seiri, behin-behineko selekziño ofizialerako deitu gaittue. Sorrarain, Bengoetxea, Solozabal, Antxia II.a, Eguzkiza eta seirotz aurreko astian ekin zotsagun entrenamenduei. Banaka baiño, biñaka hobeto moldatzen zara. Zein modutan jokatzeko hautatu zaittue?


Hautatzailliak, Kepa Arrota jauregik, esan zostanez, neu biñaka jokatzeko hautatu nabe. Sorrarain eta bixok izango gara aurre-

kaldian jokatu dogunok. Euskadiko Selekziñuakin zein txapelketatan hartuko dozue parte?

Momentuz, martitzeno entrenatzen dogu frontoian. Horrek entrenamenduok egin eta gero, Venezuelara eta San Frantziskora juateko asmua dago. Aurrerago, Kubara juango gara, seguruenik, eta han Amerikaren kontra lehiatuko gara. Ameriketako selekziñuak Mundiala gertatzen dabiz eta bide horretan lehiatuko gara alkarren kontra. Gertatzen da batzuri ez dotsela gure kontra jokatzeko lagatzen. Mundiala be hortxe dago, baiña zailla izango da guri bertan parte hartzen lagatzia.

Aurten, Nafarruan izango da pilotako mundiala. Esan dozun moduan, zailla izango da Euskadiko Selekziñuak bertan parte hartzia.

Eziñezkua izango dala pentsatzen dot. Euskaldunok gure selekziñuak Mundialian parte hartu deilla nahi dogula behin eta berriro argi azaldu dogun arren, azken hitza beste batzuk dauke. Lehenago Mundialian izan



O.E.

ziñan. Oinguan, Euskadiko Selekziñuan izango zara. Eta Mundialera juateko aukera etortzen bada?

Lehenengo, Euskadiko Selekziñuak deitu dosta eta aukeria egindda dago. Neu Euskal Herriko Selekziñuaren alde nago eta

txapelketa guztietan lehiatzen ikusi gura neuke. Kontua da, pelotarixok eta kirolarixok gure selekziñuaren alde gabela pentsatzen doten arren, pausuak beste batzuek emon bihar dittuela ikusten dotela. Gizartiak eskatzen dabena entzun eta kirolek kanpora darenek emon bihar dittue Selekziño Ofiziala lortzeko eman biharreko pausuak.

Elgetako Lau t'erdiko Txapelketan finalurrekoetara heldu ziñan iaz. Laster hasiko zara txapelketa horretan lehiatzen, zer moduz ikusten dozu aurteguan zeure burua?

Herrixan jokatzia beti da berezixa eta ahal doten onduen egiten saiatuko naiz. Hala eta be, kostauko jata; izan be, eskuetan arazo askokin nabil eta ezin izan dot aurtengo txapelketia neuk nahiko neban moduan gertatu. Datorren astian hasiko naiz jokatzela... Ia zer egiten dogun. Profesionalerako saltua, noizko?

Oin momentuan, ez nago horretan pentsatzen; egunero kuakin nahikua daukat.

ARETO FUTBOLA

PARTIDUAK

- 15:00: Arineketan-Vicios.
Chievo.
- 16:00: Chievo-Komando Piperrak.
Arineketan
- 17:00: Bar El Arco-MTS.
La Kokotxa
- 18:00: La Kokotxa-Txapela.
MTS

EMAITZAK

- Txapela-Chievo..... 13-3
- Bar El Arco-La Kokotxa..... 6-1
- Splas-Komando Piperrak..... 9-6
- MTS-Arineketan..... 2-7

SAILKAPENA

Taldea	P	J
1. Arineketan	7	4
2. Bar El Arco	6	4
3. Vicios	5	3
4. Txapela	4	3
5. Splas	4	4
6. Chievo	4	4
7. MTS	3	3
8. Komando Piperrak	0	3
9. La Kokotxa	0	4



Debabarreneko erretiratuekin bazkaria

Aurreko barikuan bazkaria egin zuten Ozkarbi Elkarte- an Elgetako eta Debabarreneko herrietako erretiratu elkarteetako bazkideek.

Eibarko, Elgoibarko, Mendaroko, Mutrikuko eta Debako erretiratu elkarteetako bazkideak urtero etortzen dira Elgetara bazkaltzera. Aurten ere Elgetako Erretiratu Elkarteek bazkari goxoa gertatu zuten. Denera; 50 lagun inguru batu ziren eta denek esan ziguten oso ondo pasatzen zihardutela. /O.E.

LABUR

Aurten ere Pala Txapelketa Elgetan jokatu da

Mankomunitateko Kirol Zerbitzuek antolatu duten Pala Txapelketan izena emateko epea ekainaren 3an amaituko da. Debagoieneko Kirol Zerbitzuetako abonatuak 12 eta gainerakoek 15 euro ordaindu beharko dituzte izena ematerakoan. Partidu guztiak Elgetako pilotalekuan jokatu dituzte, zapatu goizetan

Txapelketa liga eran jokatu dute hasieran, eta aurreneko postuetan geratzen direnek elkarren aurka jokatu dituzte finalurrekoak.

JAR EZAZU HEMEN ZURE PUBLIZITATEA

Goibekokale

BOLATOKI
taberna·jatetxea



- Astean zehar eguneko menua
- Asteburuetan menu bereziak eta sagardotegiko menua
- Pintxoak, ogitartekoak eta errazioak

Artekale 2, Elgeta. 943 76 82 84

ERRETRATUZAHARRA

Basuras taldea,
futbitoko
txapelkun Elgetan

Izango dira hamar bat urte futbitoko txapelketia kiroldegiko kantxan jokatzeko dala. Aurretik, eta urte morduan, gainera frontoian jokatu izan zan hori txapelketiori. Gaurkuan, orduko erretratu bat ekarri dogu. Oin dala hamabost urte ingurukua da eta hor urteko sari banaketakua da.

Hor urtian, erretratuan agertzen diran umiek irabazi zebeu umien txapelketia. Taldiai jarri zotzen izena be asko pentsau eta gero ipiñitakua ei da. Izan be, Basuras ei zeukan euren taldiak izena.

Pelota partiduetara moduan, futbito partiduak ikustera be jente ugari gerturatzen zan herriko frontoira. Herriko kuadrilla gehixenak parte hartzen zebeu eta giro paregabia egoten zan. Urtaik igaro ahala, hori giruori galduz juan da eta, gaur egunian, herriko bi taldek bakarrik dihardue futbito txapelketan.

Honek mutikuonek agertzen dira erretratuan, ezkerretik eskumara: Josu Askasibar, Iñaki Egizabal, Haritz



Gallastegi, Iñaki Askasibar, Oskar Askasibar, Iban Retolaza, Aitor Ubera eta Gabriel Alonso.

Atzekaldian Patxi Basauri, Jabier Arantzeta eta Fernando Zenitagoia be ikusi geinkez, sarixak emoten.

Argazkia: Iban Retolaza

ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Elgetako
hiltegi
zaharra

Gaurkuan, lehenaguko hiltegiako erretratua ekarri dotsuegu hona atalera. Gaur egunian Ostatu jatetxiaren onduan dagon aparkalekuan zeguan orduan hiltegiak. Herritarrek Elorri-xora bideko hiltegi barrixa eraiki zebeu arte, sarrittan erabilli zebeu hori hiltegi-xori. Hiltegi barrixa be bota zebeu, eta gaur egunian, herrixan ez daukagu hiltegiarik.



1958

Hiltegiak nahiko egoera txarrian dagola ikusi geinke ondoko erretratuan. Ordu-rako, makina bat bidar erabilli zebeu herritarrek.



2002

Gaur egunian, aparkalekua dago lehenagoko hiltegiak zeuan lekuan. Bertatik egingo ei dabe Torre-aldeko etxebizitzetara juateko bidia.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21

Zuri Beltz
margoak

Barnealde eta kanpoaldean
erreforma
- Pintura zerbitzu osoa
Moketak

943 76 14 60
607 447 494
943 76 59 59
Bergara

BERGARAN
BULEGO BERRIA

KOROSTI
INMOBILIARIA

BERGARA
Ibargarai 3.
943 76 97 97

LEGAZPI
Santikutz 8.
943 73 05 25

10 URTEKO
ESPERIENTZIA!

ANTIA

HARATEGIA URDAITEGIA

Txahal, idi,
txerri, bildots,
untxi eta
baserriko oilaskoak.

Matxiategi 8. BERGARA
Tel. 943 76 15 09

INSTRUMENTUAK

Piano
Akordeoia
Trikitixa
Gitarra
Txistua
Kantua
Perkusioa
Bonbardinoa
Tuba
Tronboia
Fagota
Biolina
Biola
Biolontxelo
Kontrabaxua
Saxofoia
Oboea
Klarineta
Flauta
Tronpeta
Tronpa
Panderoa
Alboka

TALDE MUSIKALAK

Abesbatza
Gazte banda
Orkestra sinfonikoa
Akordeoi orkestra
Ganbara taldeak

BESTE IKASGAIK

Aurre-hizkuntza musikala
(5 urtetik aurrera)
Hizkuntza musikala
Armonia
Koral
Biolina: Suzuki Metodoa
(3 urtetik aurrera)

Bergarako Musika Eskola 2002/03 ikasturtea

MATRIKULA ZABALIK

ekainaren 28ra arte

Hiru urte baino gehiago dituen edonor matrikula daiteke.

Eta hamabost urte baino gehiago badituzu eta instrumenturen bat ikasi nahi baduzu ere, badaukazu aukera! Nahiz eta musikaz ezer ez jakin!



KONTZERTUAK

Ekainaren 4tik
21era bitartean,
instrumentuen
eta taldeen
kontzertuak

Musika Eskolan
bertan eta
Zabalotegiko
aretoan eta
Frontoian



**ARGIBIDE
GEHIAGO:**
Musika Eskola
Tf.: 943 76 57 80
Bulego ordutegia:
15:30-19:30

MULTIOPTICAS

LARRAÑAGA



GAES

ENTZUMEN ZENTRUA

GORTASUNA PREBENITZEKO JARDUNALDIK

Maiatzaren 27tik Ekainaren 1era

Azterketa Doan

espezialista batek entzumen azterketa egingo dizu



Dimentsio txikiak,
prestakuntza handiak,
ikustezina

Barne kanalak,
Audiozoom digital
moldagarriarekin,
teknologia berritzailea



Potentzia handiagoa duten
retroaurikularrak,
diseinu teknologikoa,
erabiltzeko eroso,
sendoa





Sukaldeen berritzea.

Bainugelen berritzea.

Zeramikan azken berrikuntzak.

Jakinan gremio guztiak eskaini eta koordinatzen dizkizuegu.

Jakina, zurekin pentsatzen.



JAKINA

BAINUGELAK • ZERAMIKA • SUKALDEAK
Bergarako FAGOR banatzaile bakarra

FAGOR 
Sukaldeko altzariak

AENOR
Produktu
zertifikatua

6
URTEKO
GARANTIA

San Lorenzo Industri Pol., Amillaga 10. BERGARA.
Tel.: 943 76 03 30. Faxa: 943 76 02 91.